

Kenepa



Contenido

Nomber y lugar.....	3
Fruta	3
Palo di Kenepa	4
Fuente.....	5
Articulo:.....	5
Potret:.....	5

NOMBER Y LUGAR

Na cada isla y pais cu ta encontra e palo di Kenepa e tin un otro nomber. Su 'Latijnse naam' ta '*Melicoccus bijugatus*'. Otro nombenan ta: Spanish lime, Genip, Guinep, Genipe, Ginepa, Kenèp, Quenepas, Quenepe, Quenette, Chenet, Talpa jocote, Mamón, Limoncillo, Skinip, Kinnipa, Huaya, of Mamoncillo. Bo ta haya e palo di Kenepa na Centro America, Caribe y Sur America.

FRUTA

Na Aruba den luna di augustus ta temporada cu e mata ta duna fruta. Den caso cu bo tin matanan grandi, ta mas ainda por cosecha.



Kenepa ta un fruta popular y gusta pa mucha y hende grandi y hopi dushi mes. Su fruta ta berde parti

pafo cu un casca manera poco duro te cu moli tin biaha. Un diameter di entre 2-3cm. Pa bo yega na e fruta parti paden bo tin cu morde y asina habri e casca. Despues cu bo ta kibra e casca bo ta haya e fruta paden, esaki ta suave, color oranje cla of color salmon, cu poco djus y un pepita (simiya) basta grandi. E simiya ta duro di color blanco. Tene cuidou ora di come e fruta pa no pega cu e simiya, esaki por slip bay masha facil den gargante anto por pega cune. Den caso cu bo come hopi Kenepa e por haci bo garganta manera dolor y bo lenga tambe. E sabor por ta dushi y por ta zuur tambe tin biaha.

E fruta Kenepa ta saludabel, e tin vitamine C cu A, diferente vitamine B y tambe otro ingrediente saludabel manera calcio y hero y [ainda mucho mas](#).

Por traha juice di e fruta. Sigur un bebida hopi refrescante y sabroso. Mayoria hende ta come Kenepa fresco piki for di e mata.

Por come e simiyanan tambe pero mester herbe esakinan mas o menos 15 minuut.

PALO DI KENEPA

Un mata di Kenepa por bira hopi grandi. Mata di Kenepa por crece na un haltura di 25 meter. Blachinan poco largo cu por yega te na 12 centimeter y un hanchura di 5 cm.

Un mata di Kenepa kisas no mester di mucho cuidado. Esaki mas tanto ora e mata ta chikito claro e mester un bon cuidado pa e por sigui desaroya den bon estado y sigur un mata sano.



Raiz

Tene cuenta tambe debi na su grandura cu e por bira den transcurso di añanan e por ta un problema. Raiz mester

basta lugar den tera. Ta consehabel pa no plante mucho cerca di cas of di muraya. Esaki por trece problema den futuro.

No por descarta cu e ta duna un bon sombra hopi bon pa un picknick of sinta un rato tuma poco aire fresco ta simplemente perfecto.

Den caso cubo ta desea un mata di Kenepa e ta obtenibel na Santa Rosa na Piedra Plat.

.....

FUENTE

ARTICULO:

Diario, 14 augustus 2019, p. 38 (Santa Rosa)

Online magazine: <https://www.organicfacts.net/health-benefits/fruit/quenepas.html>

Wikipedia

<https://www.arubatoday.com/fruit-loose-veggie-boost/>

POTRET:

<https://mybonairetree.org/>